

առեալ մարգարիտսն և զայլ այնպիսիս գալին ի մէջ վարտեացն, և բերին անդրէն զքաւալիէնն ի տէօրթիօլաղզըն, և որչափ հնար էր զամենայն փնաս վաճառականացն տուծեալ, առաքեցին զքաւալիէնն առ թագաւորն սպանիոյ:...

Յամի տեառն 1767

Ապրիլի 5

[Կ. Պոլիս]

Նուստ ծառայ

Հ. Անանիա վրդ. Մ[խիթարեան]

ՄԶ.

Հ. Յ. Զամչեան կը տեղեկագրէ Գումգարուի հայոց Ս. Աստուածածին եկեղեցւոյն հասած փորձանքը՝ հանրածանօթ բռնութեանց հետեանօք:

Պերամեծար գերայագելի Աբրայ հօր մերոյ և յարունապետի տեսնե տեսնե Ստեփաննոս վարդապետի ողջոյն

... Յուլիսի 29 ըստ հրամանի թագաւորին փլուցին զառանց հրամանի շինեալսն յեկեղեցւոյ սուրբ աստուածածնին, որ ի դումղափուն: Քանզի ոմանք տաճիկք ետուն արգուհալ թէ հայք շինեալ են զնոր ինչ յեկեղեցւոյ. և յանկարծակի եկն ստամպօլ էֆէնտիսին ալայով յեկեղեցին, և ընդ նմա դատախազքն. և չգտեալ ինչ ասէ. ի վաղիւն եկից և քննեցից: Ապա գան և քննեն ըստ հին հեօճէթին, և գտանեն զի առաջի խորանի ուրուք փոխեալ զտախտակսն և շինեալ են քարեղէն: Եւ դարձեալ զաշխանայն և զմի օտայ ևս աւելի քան զչափն շինեալ (անշահք ինչ). և ապա եղև ֆէրման զի զշինեալսն արտաքոյ հէօճէթին փլուցեն: Եւ ապա փլուցին փութով ի յուլիսի 29: Եւ ուր ուրեք փնասեալ է ի փլուցանեն, զփնասն նորոգեցին. (բայց ոմանք հռչակեցին տուտ, թէ զփլուցեալսն նորոգ չինեալ են): Զպատճառն բազումք բազում ինչ ասեն. բայց ստուգազոյնն այս է. քանզի ի ստամպօլ մերձ այնր եկեղեցւոյն բնակի ոմն տաճիկ անուն նորա ահմէտ պէյ՝ եղբայր Նուրի պէյին: Սա ունէր պարտք աւելի քան 800 դոուշու ումեմն սառաֆի: Եւ ի ստիպել սառաֆին, ահմէտ պէյն խնդրեալ է ի պատրիարզէն 800 դոուշ, զի ունիմ զմեծ պիտոյս, ասէ: Իսկ պատրիարզն (ի յազատիլ ի ձեռաց նորա) առաքէ զոմանս առ Նուրի պէյն եղբայրն ահմէտ պէյին. և ասեն. եղբայր քո խնդրէ ի մէջ զդրամս, բայց եկեղեցին մեր աղքատ է, և պատրիարզն ոչ կարէ տալ ինքնին մինչև ոչ իմացին ԽԾ անձինք, և դարձեալ, պարտ է մեզ՝ թապալս տալ շրջել յեկեղեցւոյ մինչև իմանալ ժողովրդոց ամենեցուն թէ ժողովեն դրամս վասն ահմէտ պէյին. եթէ այսմ իրի հաւանիք, արասցուք: Պատասխանէ Նուրի պէյն. Երթայք, անհոգ կացէք. ես հոգամ: Ապաքէն առաքէ առ եղբայր իւր սաստիւք, թէ ոչ ամաչես, են: Ապա ահմէտն պէյն առաքէ լուր առ պատրիարզն թէ՝ օստուն կեալուռ են. տես թէ ես զի՞նչ արարից քեզ և եկեղեցւոյդ, են: Ապա սակաւ սակաւ խօսելով մի մի ընդ տաճկաց, թէ զի՞նչ է այս, զի հայք շինեն նոր իրս յեկեղեցւոյ, և ոչ ոք խօսի, և այս է ընդդէմ հաւատոյ մերոյ, են, մինչև զրգուել զբազումս և տալ արգուհալս և փլուցանել զայնս: Դատախազքն հարիւրաւորք: Եւ փլուցին զխորանն որ ի կողմն պարտիզին, զաշխանան ուր զմատաղն եփեն և զմաղազայ մի: Այժմ լռութիւն է. զկատարածն տեսցուք:... Ժանտացաւն սկսաւ բորբոքել օրըստ օրէ:...

1767 Օգոստ.ի 1

[Կ. Պոլիս]

Ն. Ծ. Հ. Յակոբոս վ. Զամ. Մխիթարեան